

3. Коефицијент просјечног мјесечног раста цијена произвођача индустријских производа од почетка године до краја јануара је 0,001.
4. Коефицијент раста цијена произвођача индустријских производа у јануару 2019. године у односу на исти мјесец претходне године је 0,007.
5. Коефицијент раста потрошачких цијена у мјесецу јануару 2019. године у односу на претходни мјесец је 0,000.
6. Коефицијент раста потрошачких цијена од почетка године до краја јануара је 0,000.
7. Коефицијент просјечног мјесечног раста потрошачких цијена од почетка године до краја јануара је 0,000.
8. Коефицијент раста потрошачких цијена у јануару 2019. године у односу на исти мјесец претходне године је 0,016.

Број 5 Директор  
04. марта 2019. године Доц. др Емир Кремић, с. р.

## FINANSIJSKO-INFORMATIČKA AGENCIJA

### 253

На основу члана 10. став 2. тачка 6. Закона о Финансијско-информатичкој агенцији ("Службене новине Федерације БиХ", број 80/11), на приједлог директора Финансијско-информатичке агенције, Управни одбор Финансијско-информатичке агенције, на 26. сједници одржаној 25.02.2019. године, доноси

#### PRAVILNIK

#### O USLOVIMA I POSTUPKU USTUPANJA PRAVA NA KORIŠTENJE PODATAKA IZ REGISTRA FINANSIJSKIH IZVJEŠTAJA PRAVNIM I FIZIČKIM LICIMA I NAČINU NJIHOVOG KORIŠTENJA

##### I. OPĆE ODREDBE

###### Član 1.

(Предмет и примјена правилника)

- (1) Правилник о условима и поступку уступања права на коришћење података из Регистра финансијских извјештаја правним и физичким лицима и начину њиховог коришћења (у даљем тексту: Правилник) прописује: подношење захтјева за уступање права на коришћење података, услове за уступање права на коришћење података, начин уступања права на коришћење података, врсте избора уступања података, начин коришћења података, сврху коришћења података, уговор о уступању права на коришћење података и друга питања од значаја за уступање права на коришћење података.
- (2) Правилник се примјењује код свих уступања права на коришћење података.
- (3) Сви корисници уступања права на коришћење података недвосмислено потврђују да су упознати с прописаним и допуштеним начином коришћења података, те да би сваким другачијим њиховим коришћењем прекршили одредбе Правилника и друге прописе.

##### II. DONOŠENJE I OBJAVLJIVANJE PRAVILNIKA

###### Član 2.

(Доншење и објављивање)

- (1) Правилник разматра и доноси Управни одбор Финансијско-информатичке агенције (у даљем тексту: FIA).
- (2) Правилник се објављује у "Службеним новинама Федерације БиХ" и на огласној плочи FIA-е.

###### Član 3.

(Дефиниције појмова)

Поједини појмови коришћени у тексту овог Правилника имају сљедеће значење:

- a) "**FIA**" - Финансијско-информатичка агенција основана Законом о Финансијско-информатичкој агенцији ("Службене новине Федерације БиХ", број 80/11).
- b) "**Обвезник извјештавања**" - правно лице које FIA-и предаје финансијске и друге извјештаје и податке, у складу са Законом о рачуноводству и ревизији у Федерацији Босне и Херцеговине ("Службене новине Федерације БиХ", број 83/09).
- c) "**Регистар**" - централни извор информација о успјешности пословања и финансијском положају обвезника извјештавања.
- d) "**Јавно уступање**" - уступање одређеног избора података, погодног за информисање јавности о имовини, обавезама, вриједности и резултатима пословања обвезника извјештавања.
- e) "**Масовно уступање**" - уступање права на коришћење стандардног или посебног избора података за све обвезнике извјештавања.
- f) "**Појединачно уступање**" - уступање права на коришћење стандардног или посебног избора података за изабране обвезнике извјештавања.
- g) "**Стандардни избор података**" - одабрани подаци из обрађених извјештаја обвезника извјештавања, погодни за масовно или појединачно уступање, дефинисани одлуком, коју доноси директор FIA-е.
- h) "**Посебни избор података**" - подаци одабрани из обрађених извјештаја обвезника извјештавања, погодни за масовно или појединачно уступање, дефинисани појединачним актом FIA-е, на основу захтјева корисника.
- i) "**Наруджба**" - писани захтјев којим корисник података тражи уступање права на коришћење података.
- j) "**Накнада**" - новчана накнада изражена у КМ, коју одређени корисник плаћа за уступање права на коришћење података.
- k) "**Корисници**" - јавност, органи законодавне и извршне власти, организације и институције, академска заједница, пословне и стручне асоцијације, привредна друштва и друга правна и физичка лица.

##### III. NAČIN, VRSTE I SVRHA USTUPANJA PRAVA NA KORIŠTENJE PODATAKA IZ REGISTRA

###### Član 4.

(Наčin и врсте уступања права на коришћење података)

- (1) FIA уступа право на коришћење података из Регистра на три начина:
  - a) јавним уступањем,
  - b) масовним уступањем и
  - c) појединачним уступањем.
- (2) Уступање права на коришћење односи се на двије врсте избора података, и то:
  - a) стандардни избор и
  - b) посебни избор.

###### Član 5.

(Сврха уступања права на коришћење података)

- (1) Сврха коришћења података из Регистра може бити:
  - a) **лично информисање** - коришћење у сврху личног информисања, без комерцијалног интереса;
  - b) **научно-истраживачка обрада и презентација** - коришћење посебног избора података, у сврху научног и истраживачког рада, без комерцијалног интереса;
  - c) **за потребе законодавних, судских и извршних органа власти** - коришћење података у сврху обављања послова из надлежности органа, без комерцијалног интереса;

- d) **za poslovne potrebe** - korištenje posebnog izbora podataka u svrhu donošenja poslovnih odluka, bez komercijalnog interesa;
  - e) **za komercijalne potrebe** - korištenje standardnog i posebnog izbora podataka, u svrhu obavljanja privredne djelatnosti, uz komercijalni interes.
- (2) Korisnik podataka je dužan u narudžbi navesti svrhu korištenja podataka.
- (3) Podaci iz Registra za koje se ustupi pravo korištenja, mogu se koristiti isključivo za svrhu navedenu u zahtjevu.

#### IV. NAKNADA I OGRANIČENJA ZA USTUPANJE PRAVA NA KORIŠTENJE PODATAKA

##### Član 6. (Naknada)

Prilikom plaćanja naknade FIA-i od strane korisnika za ustupanje prava na korištenje podataka iz Registra, primjenjuje se važeća Odluka o naknadama za usluge FIA-e, koju donosi Upravni odbor FIA-e, uz saglasnost Vlade Federacije BiH.

##### Član 7.

- (Uslovi korištenja podataka u skladu sa svrhom korištenja)
- (1) U zavisnosti od svrhe korištenja podataka od strane korisnika, propisani su sljedeći uslovi i to za:
- a) ustupanje prava na korištenje podataka isključivo za lično informisanje:
    - podaci ustupljeni javnim ustupanjem mogu se koristiti isključivo u svrhu ličnog informisanja;
  - b) ustupanje prava na korištenje podataka za naučno-istraživačku obradu:
    - FIA će odobriti ustupanje posebnog izbora podataka za naučno-istraživačku obradu isključivo stručnim i akademskim ustanovama, organizacijama i institucijama, u čiju djelatnost spada i naučno-istraživačka obrada podataka, odnosno fizičkim licima kojima je odobren naučno-istraživački rad za koji je takva obrada podataka neophodna;
    - podaci koji se ustupaju u ove svrhe, u pravilu, ne sadrže identitet obveznika izvještavanja;
    - korisnik podataka dužan je informisati FIA-u o rezultatima naučno-istraživačke obrade podataka, za koje mu je ustupljeno pravo korištenja,
    - korisnik podataka dužan je u svojim radovima, prezentacijama i analizama navesti FIA-u kao izvor podataka.
  - c) ustupanje prava na korištenje podataka za komercijalnu obradu:
    - FIA će ustupiti pravo na korištenje podataka onim korisnicima koji podatke obrađuju u komercijalne svrhe;
    - u svrhu korištenja podataka za komercijalne svrhe, FIA će korisnicima ustupiti pravo na korištenje standardnog i posebnog izbora podataka u pojedinačnom i masovnom ustupanju;
  - d) ustupanje prava na korištenje podataka za poslovnu obradu:
    - FIA će ustupiti pravo na korištenje podataka za poslovnu obradu isključivo onim korisnicima koji te podatke obrađuju u svrhu donošenja poslovnih odluka, bez komercijalnog interesa;
    - u svrhu korištenja podataka za poslovnu obradu, FIA će korisnicima ustupiti pravo na korištenje posebnog izbora podataka u masovnom i pojedinačnom ustupanju;

- podatke ustupljene isključivo u svrhe poslovne obrade, korisnici ne smiju dalje ustupati drugim pravnim i fizičkim licima licima, na bilo koji način, u cijelosti ili djelimično;
- u slučaju informisanja trećih lica o rezultatima obrade podataka, poslovnim planovima ili odlukama zasnovanim na podacima čiju obradu je odobrila FIA, korisnik je dužan navesti FIA-u kao izvor podataka.

##### Član 8.

(Ustupanje prava na korištenje podataka za komercijalne svrhe)  
Korisnik kojem se ustupa pravo na korištenje podataka u komercijalne svrhe, dužan je:

- a) navesti izvor podataka kada iste koristi u komercijalne svrhe, odnosno korisnik je u svom krajnjem proizvodu - izvještaju dužan navesti da je izvor podataka FIA;
- b) da poštuje ali i odgovara da podaci budu korišteni isključivo u svrhu upotrebe podataka, koju je naveo u zahtjevu;
- c) da osigura da se podaci, u izvornom obliku ustupljeni na korištenje od FIA-e, zaštite od dalje prodaje ili ustupanja, na bilo koji način, trećim licima, u cijelosti ili djelimično;
- d) osigurati da bude izričito naznačen kao obrađivač podataka krajnjih proizvoda - izvještaja koji se distribuiraju putem povezanih i drugih pravnih lica;
- e) pravilno prezentirati finansijski, imovinski prinosni položaj obveznika izvještavanja, te je u tom smislu dužan prije sklapanja ugovora (korisnik koji zaključuje ugovor s FIA-om) dostaviti FIA-i na uvid svoju izvještajnu formu, odnosno krajnju formu prikazivanja podataka;
- f) osigurati pravo uvida FIA-e u strukturu krajnjih izvještaja korisnika;
- g) osigurati FIA-i trajan, kontinuiran i besplatan pristup sistemu korisnika za kontrolu svih prikaza koje ima namjeru distribuirati.

#### V. NARUDŽBA I UGOVOR

##### Član 9. (Narudžba)

- (1) Narudžba od strane korisnika može biti upućena putem pošte, faxes, e-pošte, web portala FIA-e ili lično, u kojoj su navedeni podaci korisnika, tj. za pravna lica obavezno naveden: naziv korisnika, JIB, PDV broj (ukoliko se radi o PDV obvezniku), adresa, ovlašteno lice i pečat korisnika.
- (2) Fizička lica u narudžbi obavezno navode: ime i prezime, adresu i kontakt telefon.
- (3) U narudžbi se obavezno navodi vrsta ustupanja, te namjena za koju će podaci biti korišteni, kao i period/godina za koju se podaci traže iz godišnjih i/ili polugodišnjih finansijskih izvještaja.

##### Član 10. (Ugovor)

- (1) FIA je dužna zaključiti pismeni ugovor sa korisnikom u svim slučajevima kada korisnik podnosi narudžbu u obliku masovnog ustupanja prava na korištenje podataka.
- (2) Za pojedinačna ustupanja prema posebnom izboru podataka, kao jedan od načina ustupanja prava na korištenje podataka previdenih Pravilnikom, FIA po slobodnoj ocjeni donosi odluku, kojom rješava da li je potrebno zaključiti ugovor ili je prema slobodnoj ocjeni FIA-e, za ustupanje prava na korištenje podataka dovoljan zahtjev korisnika i predviđena uplata naknade.
- (3) FIA je, rješavajući po slobodnoj ocjeni, dužna da poštuje pravila konkurencije.

- (4) Na ugovore sklopljene između FIA-e i korisnika, primjenjuju se odredbe Zakona o obligacionim odnosima.
- (5) Korisnik koji prekrši odredbe ugovora odgovara, pored grube nepažnje, i za običnu nepažnju.
- (6) Korisnik za povredu ugovora odgovara kao dobar privrednik, sa povećanim stepenom odgovornosti.

## Član 11.

(Raskid ugovora)

- (1) FIA ima pravo, pismenim aktom, jednostrano raskinuti ugovor do momenta ustupanja prava na korištenje podataka, nakon čega prestaje primjena ugovora.
- (2) Ukoliko FIA raskine ugovor, u smislu stava (1) ovog člana, korisniku/naručiocu će vratiti uplaćenu naknadu, ako je uplata izvršena.
- (3) U slučaju da korisnik/naručilac prekrši odredbe ugovora i/ili Pravilnika, FIA ima pravo oduzeti ustupljeno pravo na korištenje podataka i zadržati pravo na naknadu.

**VI. ZLOUPOTREBA USTUPANJA PRAVA NA KORIŠTENJE PODATAKA**

## Član 12.

(Zloupotreba)

- (1) Registar uspostavlja i vodi FIA u skladu sa Zakonom o računovodstvu i reviziji u Federaciji Bosne i Hercegovine ("Službene novine Federacije BiH", broj 83/09).
- (2) FIA zadržava pravo da spriječi svaku zloupotrebu ustupanja prava na korištenje podataka od strane korisnika, a prije svega neovlašteno korištenje i distribuciju podataka koji su na osnovu zahtjeva korisnika ustupljeni na korištenje.
- (3) Svako je dužan da se uzdržava od povrede ustupljenog prava korištenja podataka iz Registra.
- (4) Korisnik je dužan da osigura da se podaci, koje je dobio od FIA-e u pogledu ustupanja prava na korištenje, isključivo koriste za namjenu za koju je korisnik podnio zahtjev i koju je obavezan navesti u zahtjevu i odgovaran je ako se podaci koriste protivno njihovoj namjeni.
- (5) Korištenje ustupljenog prava na korištenje podataka protivno njihovoj namjeni podrazumijeva, prije svega, zabranu ustupanja trećim licima, povezanim i/ili nepovezanim sa korisnikom, sa ili bez naknade,

distribuiranje i/ili objavljivanje podataka i izvještaja, u izvornom obliku ustupljenom od FIA-e.

## Član 13.

(Zaštita prava)

U slučaju povrede prava na korištenje podataka utvrđenih Pravilnikom i drugim propisima, FIA ima pravo da traži zaštitu svojih prava i naknadu štete pred nadležnim organom.

**VII. ŠTETA PROUZROKOVANA USTUPANJEM PRAVA NA KORIŠTENJE PODATAKA**

## Član 14.

(Odgovornost za štetu)

- (1) FIA nije odgovorna za moguću štetu i druge posljedice koje korisniku ili trećoj pravnoj i fizičkoj osobi mogu nastati zbog ustupanja prava na korištenje podataka iz Registra, ukoliko se FIA prilikom ustupanja podataka pridržavala ovog Pravilnika i drugih zakonskih odredbi.
- (2) Za tačnost podataka iz Registra, odgovoran je obveznik izvještavanja koji je dostavio podatke/finansijski izvještaj FIA-i.
- (3) FIA jamči da su dostavljeni podaci istovjetni sa podacima koje su obveznici izvještavanja, pri predaji, dostavili FIA-i.

**VIII. PRIJELAZNE I ZAVRŠNE ODREDBE**

## Član 15.

(Prestanak važenja Pravilnika o ustupanju podataka pravnim i fizičkim licima i načinu njihovog korištenja)

Stupanjem na snagu ovog Pravilnika, prestaje da važi Pravilnik o ustupanju podataka pravnim i fizičkim licima i načinu njihovog korištenja, broj UO-06/2016 od 09.06.2016. godine ("Službene novine Federacije BiH", broj 76/16).

## Član 16.

(Stupanje na snagu Pravilnika)

Ovaj Pravilnik stupa na snagu danom objavljivanja u "Službenim novinama Federacije BiH" i objaviće se na oglasnoj ploči FIA-e.

Broj 01-1-01-745-2/19  
25. februara/veljače 2019. godine  
Sarajevo

Predsjednik  
Upravnog odbora  
Dr. sci. **Dragan Prusina**, s. r.